



উপজেলা পরিকল্পনা বিশ্বস্তরপুর

বিশ্বস্তরপুর (সুনামগঞ্জ), ২০ ফেব্রুয়ারী (সংবাদদাতা)।— স্বাভাবিক প্রকৃতির বৈচিত্র্যময় প্রাণ ছোঁয়া মনোরম দৃশ্যের স্বর্গালী আবেশ ও উপলব্ধির উপজেলা বিশ্বস্তরপুর। হেমন্তের প্রাণময় সবুজতা, বর্ষার নদী ও হাওড়ের খোলাময় পানির অধিই উজ্জ্বল, বাস্তবিকই অনুভূতিকেই অনুরণিত করে তোলে। উত্তরে আসামের মেঘালয়ের রূপসী পাহাড়গুলো, দক্ষিণে বিরাট করছার হাওড়ের বিস্তীর্ণ সবুজের সমারোহ, কিংবা অধি পানির চোখ জুরানো গভীরতা— হৃদয়ের সব কটা ভাবনার বাতায়ন অনুভবে খোলে খোলে যায়।

সুনামগঞ্জ জেলা সদরের পশ্চিমে ২৪' ৫০" ও ২৫' ৫" উত্তর অক্ষাংশ, এবং ৯১' ও ২২' পূর্ব দ্রাঘিমাংশের মধ্যবর্তী বিরাট করছার হাওড়ের তীরে উত্তর-পশ্চিম কোণে অবস্থিত। উত্তরে ভারতের মেঘালয় রাজ্য, দক্ষিণে জামালগঞ্জ ও সুনামগঞ্জ উপজেলা, পূর্বে সুনামগঞ্জ উপজেলা এবং পশ্চিমে তাহিরপুর ও জামালগঞ্জ উপজেলা। বিশ্বস্তরপুর উপজেলার দক্ষিণ-পশ্চিম এবং দক্ষিণ-পূর্ব নিম্নভূমি এবং উত্তর-পূর্ব ও উত্তর-পশ্চিম দিক অপেক্ষাকৃত উচ্চ ভূমিতে গঠিত। দক্ষিণ দিকের ভূমি নদী-নালা ও হাওড় নিয়ে গঠিত।

কৃষি

শুকনা মওসুমে এ অঞ্চলে মৎস্য এবং ইরি বোরো, আমন, আউশ ফসল উৎপন্ন হয়। উত্তর দিকের উচ্চ ভূমি ভারতের মেঘালয় রাজ্যের পাদদেশে অবস্থিত। এই সব এলাকা বালি মাটি দ্বারা গঠিত। পূর্বে উক্ত অঞ্চলের অধিকাংশ স্থান ছিল জঙ্গলাকীর্ণ। এভাবে ক্রমাগতই জনবসতি গড়ে উঠে। এই উচ্চ এলাকার এখন প্রচুর

আমন, আউশ ধানসহ সাক-সজী ও নানারকম ফলমূল উৎপন্ন হয়। সুজলা সুফলা আজকের বিশ্বস্তরপুর উপজেলাটি বাস্তবিকই এক দিন সুখ স্বাক্ষর্য ছিল।

পরিসংখ্যান

১১১-০৩৭ বর্গ মাইল আয়তন বিশিষ্ট উক্ত উপজেলার জনসংখ্যা হচ্ছে ৬০৫০৯ জন। পুরুষ ৩৫৯৯৭ জন, মহিলা এবং ৬৫০ জন উপজাতি মোট ১২১১৩৩ জন। গ্রামের সংখ্যা ১৫৫টি, ইউনিয়ন ৩টি, ফতেপুর দঃ বাদাঘাট এবং বৃহৎ পলাশ ইউনিয়ন। উচ্চ বিদ্যালয় ৫টি, ফতেপুর উচ্চ বিদ্যালয়, সাতগাঁও উচ্চ বিদ্যালয়, কলায়া উচ্চ বিদ্যালয়, কাটাখালী উচ্চ বিদ্যালয় ও পলাশ উচ্চ বিদ্যালয়। জুনিয়র উচ্চ বিদ্যালয় ৩টি, লতারগাঁও জুনিয়র উচ্চ বিদ্যালয়, খনপুর জুঃ উঃ বিঃ এবং বিশ্বস্তরপুর উচ্চ বিদ্যালয়। সরকারী প্রাথমিক বিদ্যালয়ের সংখ্যা ৪৩টি, বেসরকারী প্রাঃ বিঃ ৯টি। শিক্ষিতের হার ২০%। উক্ত অনুন্নত উপজেলায় ২টি হাওড়, ১২টি জলমহাল এবং ৫৭৫৮০ একর মোট জমি রয়েছে। মোট আবাদযোগ্য পতিত জমির পরিমাণ ২৬৫০ একর। পেশা ভিত্তিক কৃষক পরিবার হচ্ছে ১৪০০০, মৎস্যজীবী পরিবার ২০০০, ভাতী পরিবার ২০টি, সুতার পরিবার ১০০টি, কর্মকার ১২৫টি, ভূমিহীন কৃষক পরিবার ৭০০০।

যোগাযোগ

অবহেলিত উক্ত বিশ্বস্তরপুর উপজেলাতে কোন ধরনের সুষ্ঠু আধুনিক যোগাযোগের ব্যবস্থা নেই, সুনামগঞ্জ থেকে মাত্র ১১ মাইল রাস্তাটি আজও যানবাহন দূরের কথা পায়ে হাঁটারও ব্যবস্থা হয়নি।